



Republic of the Philippines
Department of Education
Region VII, Central Visayas
CITY SCHOOLS DIVISION-TAGBILARAN CITY
City of Tagbilaran



October 20, 2014


Division Memorandum


No. 201, s. 2014


TIMPALAK USWAG DAREPDEP

SA MGA: Education Program Supervisors/ Coordinators
Pinuno/ Puno ng mga Pamubliko at Pampridadong
Elementarya at Sekundarya

1. Batay sa Pangkagawarang Memorandum Blg. 109, s. 2014 at Memorandum Pangrehiyonal Blg. 621, s. 2014, ipinaalam sa lahat ng tanggapanang ito na ang Komisyon sa Wikang Filipino (KWF) ay magdaraos ng "Timpalak Uswag Darepdep" na magtatampok sa mayaman at malawak na imahinasyon ng kabataang Filipino. Ang patimpalak ay bukas simula sa ika-1 ng Agosto 2014 hanggang ika-2 ng Marso 2015.
2. Kalakip dito ay ang kopya ng Pangkagawarang Memorandum Blg. 109, s. 2014 para sa karagdagang impormasyon at instruksyon sa nasasabing patimpalak.
3. Malawak at maagap na pagpapalaganap ng Memorandum na ito ay nais.


EVANGEL M. LUMINARIAS, Ph. D.
Schools Division Superintendent





Republic of the Philippines
Department of Education

RD2014-18551

9 - Oct

nrvc - 26 22 44

08 OCT 2014

MEMORANDUM PANGKAGAWARAN
Blg. **109**, s. 2014

TIMPALAK USWAG DAREPDEP

Sa mga : Direktor ng Kawanihan
Direktor ng Panrehiyon
Tagapamanihala ng mga Paaralan
Punongguro ng mga Paaralang Pampubliko at Pampribadong
Elementarya at Sekundarya

1. Ang Komisyon sa Wikang Filipino (KWF) ay magdaraos ng **Timpalak Uswag Darepdep** na magtatampok sa mayaman at malawak na imahinasyon ng kabataang Filipino mula sa iba't ibang rehiyon. Ang patimpalak ay bukas simula sa ika-1 ng Agosto 2014 hanggang ika-2 ng Marso 2015.
2. Layunin ng Timpalak na payabungin ang produksiyong pampanitikan ng mga rehiyon sa pamamagitan ng mga kabataang manunulat. Isang paraan ito ng KWF upang maitanghal ang kontemporaneong panitikan ng mga rehiyon na nakasulat sa kanilang wikang katutubo.
3. Ang kategorya ng timpalak ay nagpapalit-palit sa bawat taon sa iba't ibang kategorya-maikling kwento, tula, dulang may isang yugto, at sanaysay-at sa tutukuying apat na katutubong wika sa bansa.
4. Para sa unang taon (2014-2015) ng Timpalak Uswag Darepdep, ang mga kategorya ay maikling kuwento at tula sa sumusunod na mga katutubong wika: Ilokano, Bikol, Sebwano, at Maranaw. Ang bawat kalahok ay maaaring magsumite ng isang entri para sa kategorya ng maikling kuwento at sa entri para sa kategorya ng tula. Kalakip nito ang Tuntunin ng Patimpalak.
5. Ang mga mag-aaral na may edad 12-17 bago ang ika-2 ng Marso 2015 sa mga pampubliko at pampribadong paaralan ay imbitadong sumali sa aktibidad na ito.
6. Para sa karagdagang kaalaman, maaaring tumawag kay: **Bb. Maria Christina Pangan, Komisyon sa Wikang Filipino (KWF)**, 2/F Watson Building, 1610 JP Laurel St., Malacañang Palace Complex, San Miguel, Manila, telepono big.: (02) 736-2524/25; (02) 736-2519; (02) 734-5547; (02) 736-3830; (02) 733-7260; (02) 516-0326 o mag email sa: komfil.gov@gmail.com, o sa website address: www.kwf.gov.ph.
7. Hinihiling ang maagap na pagpapalaganap ng Memorandum na ito.


BR. ARMIN A. LUISTRO FSC
Kalihim

Kalakip: Gaya ng nasasaad

Sanggunian: W a l a

Ilalagay sa Palagiang Talatuntunan
sa ilalain ng mga sumusunod na paksa:

CONTESTS
Learning Area, FILIPINO

PRIZES OR AWARDS
TEACHERS

Alma/ DM Impalak uswag darepdep
0665-September 25, 2014

(Kalakip ng Memorandum Pangkagawaran Blg. 109, s. 2014)

TIMPALAK USWAG DAREPDEP

Ang **Timpalak Uswag Darepdep** ay isang timpalak pampanitikan sa Filipinas na pinagtibay ng **Kapasiyahan Blg. 14-28 ng Kalupunan ng mga Komisyoner ng KWF** na naglalayong magtanghal at kumalap ng pinakamahuhusay na akdang pampanitikan mula sa iba't ibang rehiyon sa bansa na likha ng mga kabataang nása edad 12–17. Mula ito sa Sebwanong "uswag" na nangangahulugang "sulong" at sa Ilokanong "darepdep" na nangangahulugang "haraya." Isang paraan ito ng KWF upang payabungin ang produksiyong pampanitikan ng mga rehiyon sa pamamagitan ng pagsisimula sa mga kabataang manunulat sa mga katutubong wika. Sa gayon, ang taunang timpalak na ito ay inaasahang makapag-aambag sa pagpapayaman ng mga wikang katutubo sa bansa at sa pagpapayaman din ng wikang Filipino—batay sa paniwala na ang pinakamataas at pinakamagandang uri ng wika ay matatagpuan sa panitikan.

Ang timpalak na ito ay bubuksan mula **1 Agosto 2014 hanggang 2 Marso 2015**. Bukás ito sa lahat ng mga kabataang Filipino mula sa iba't ibang rehiyon sa bansa na nása edad 12–17 bago ang 2 Marso 2015.

Ang kategorya ng timpalak ay nagpapalit-palit sa bawat taon sa iba't ibang kategorya—maikling kuwento, tula, dulang may isang yugto, at sanaysay—at sa tutukuying apat na katutubong wika sa bansa.

Para sa unang taón (2014–2015) ng **Timpalak Uswag Darepdep**, ang mga kategorya ay maikling kuwento at tula sa sumusunod na mga katutubong wika: **Ilokano, Bikol, Sebwan, at Meranaw**. Ang bawat kalahok ay maaaring magsumite ng isang entri para sa kategorya ng maikling kuwento at isang entri para sa kategorya ng tula.

Para sa kategoryang maikling kuwento, ang lahok ay kinakailangang hindi kukulangin sa sampung pahina at hindi hihigit sa 25 pahina na makinilyado o kompiyuterisado at kinakailangang magtaglay ng isang pahinang sinopsis.

Para sa kategoryang tula, ang koleksiyon ay kinakailangang magtaglay ng hindi kukulangin sa sampung tula at hindi hihigit sa 15 tula.

Ang isang lahok na nagwagi sa ibang timpalak bago ang 2 Marso 2015 ay hindi na kalipikado sa timpalak na ito.

Ang bawat lahok ay kinakailangang nasa anyong PDF, doble espasyo (maliban sa kategoryang tula) sa 8 1/2 x 11" na papel, may palugit na 1" sa bawat gilid. Ang mga bilang ng pahina ay kailangang sunod-sunod at nakagitna sa footer ng bawat pahina. Ang font ay kinakailangang Arial o Times New Roman at may laking 12pt.

Ang mga sumusunod na dokumento ay kinakailangang nakalagay sa isang selyadong long brown envelope: (1) tatlong hard copy ng lahok; (2) isang CD na naglalaman ng digital na kopya ng entri; (3) pormularyo sa paglahok (mada-download sa KWF website o KWF facebook); (4) pormularyo sa pahintulot ng magulang; at (5) sertipikasyon mula sa prinsipal ng paaralan para sa mga estudyante o sertipikasyon mula sa punong barangay para sa mga out of school

youth. Kinakailangang notaryado ang pormularyo sa paglahok at ang pormularyo sa pahintulot ng magulang. Tanging ang pamagat lamang ng lahok at ang kategorya nitó ang isusulat o ilalagay sa envelope. Ipadadala ang naturang dokumento sa:

Lupon sa Gawad
2F Gusali Watson, 1610 Kalye J. P. Laurel
Malacañang Complex, San Miguel
Lungsod Maynila.

Ang mga lahok ay kinakailangang matanggap ng KWF bago o sa 2 Marso 2015, 5nh.

Ang mga magwawagi sa bawat rehiyon ay tatanggap ng medalya mula sa KWF at ng sumusunod na gantimpalang salapi:

Unang gantimpala: 10,000php
Ikalawang gantimpala: 5,000php
Ikatlong gantimpala: 3,000php

Anumang pasiya ng Lupon ng Inampalan ay pangwakas at hindi na mababago. Ang lahat ng lahok, nanalo man o natalo, ay hindi na ibabalik sa mga kalahok at angkin ng KWF at ng ka-tagapagtaguyod nitó ang unang opsiyon na mailathala ang mga nagwaging lahok nang walang royalti sa may-akda.

Para sa kaukulang tanong, sumulat sa komfil.gov@gmail.com o tumawag sa (02) 736-2519, 09063858197, o 09082871981. Bisitahin rin ang www.kwf.gov.ph para sa karagdagang impormasyon.